

اجتهاد

آدرمس :

IDJT IHAD

Constantinople

اوجنچي سنه

آدرمس :

اجتهاد اداره خانه سی :

شهر اماتی قارشیدنه دائره

مخصوصه در .

سنه ۴۰ بدي ، نسخه سی

۲ غروشدر .

آیده ایکی دفعه نشر ایدیلیر فنی ، اجتماعی ، ادبی ، مجموعه

جهان اسلامه دائر

عالم اسلامده کی انحطاط عمومی ، « نظر خراش ارباب دقت اولاجاق درجهیه چوقدن کشدرد . بوانحطاط مدهشک نه وقت توقف ایدجکفی کسیرمک قولای دکلدرد . صوگ ایکی اوچ عصر ظرفنده اوتوزی متجاوز حکومت اسلامیهدن بیرتک حکومت قلمادی ، که استقلال وحریتته صورت قطعیده مالک بولونسون : (زنکبار) ، (فاس) ، (جزائر) ، (تونس) ، (افغان) ، (هندستان) ، (خیوه) ، (بخارا) ، (سمرقند) ، (قریم) ، (طاشکند) ، (مصر) ، الخ حکومت اسلامیه سی یر قاقچ دول اوروپا-ئیهنک تحت نفوذ و حکمی آلتته دوشمشدر ، (ایران) و (تورکیا) بیله خفی ، جلی ، مادی ، معنوی قیود آلتتدهدرلر . هله آوروپانک حاکمیت سیاسییه و اقتصادیسی زیرنده بولوندقلری اعتراض ناپذیر بیر حقیقتدر . حکومتلر یرر شخصیت کیی نظر اعتباره آیلندیققری وقت حکومت اسلامیه عالم مدنیتک وصایت حاکمانه سی آلتتده ، اسیر ، درقید ، محروم اراده کورونورلر . دیگر طرفدن سکنه سی مسلم و غیر مسلم اهلیدن مرکب ملککتر

نظر تدقیقندن کچیریلنجه ، اکثریت اعتباریله ، غیر مسلم اهلینک محله لرنده معصومیت ، بنالرنده انتظام و محکمت ، سمتلرنده حفظ صحت و موافقت کورینور ، راسلام محله لرنده ، بالعکس مسکنت ، عدم نظافت ، نه ولرنده خرابیت ، سمتلرنده مبانی عرفان و تدریس دن محرومیت کوزه چارپار . عمومیت اعتباریله صنعت غیر مسلمدهدر ، تجارت غیر مسلمدهدر ، ثروت غیر مسلمدهدر ، آوروپالی یر سیاحک دیدیکی کیی «عالم اسلامده مزارلقلر مسکون و آبادان ، بلده لر ایصسز و ویراندر» مسلمانلرک یر سقوط توقف ناپذیر اولان بومرض اجتا-عیسی اوکنده اسباب مرضی آراماق طبعی در . انسان وهله اولاده مادامکه هانکی عرقده اولورسه اولسون دین اسلام ایله متدین اولانلر . غیر مترقی . جاهل ، متعصب ، فقیر ، اراده سز ، غایتسز ، همتسزدر ، بو حالده بو مرض اجتماعی ، عرق وجنسه ویاخود اقلیمه ، محیط جغرافیائییه مربوط دکلدرد . سبب و مصدر مرض دین اسلامیتدر و مسلمانلق مانع ترقی در ، هم مسلمان همده متمدن اولماق غیر ممکندر « حکمنی و یرر . فقط مسئله تعمیق اولونجه بو حکمک خطا آلود اولدینی آکلاشیلیر : یر دین که «لیس للانسان الاماسی»

یعنی «تحصیل علم و عرفان ارگک و قادین هر مسلم اوزره رینه فرض در» دیر و طلب علمک امر و جوبنده ارککلری قادینلردن قطعاً تفریق ایتز بویه بیر دین تنور فرمانک سالکلری کچینلرک قیز چوجقلری حقدده «آدم سن ده» قیزلر ایچین علوم و فون تحصیلنه لزوم وار؟ نماز سوره لرینی اوکر نسینلریتیشر کیی» هزیان اندر هزیانی تکرار ایدرک و صدر اسلامده یتیشمش شاعرلری، ادیبه لرلی، فاضله لرلی و حتی جنکاورلری بیلیمه رک امهات مسلمینی جهل و غفلت ایچنده برافاق کیی برجنایت متفسخه نی ارتکاب اتمک جرأتلری نیه دن الایلیرلر؟ [°]

یردین، که

«الکاسب حبيب الله»

یعنی «کسب و تجارتله مشغول اولان کیمسه اللهک سو - کیمسی در» دیر بویه یردین ترقی خواهلک سالکلری نه [°] (هارون الرشید) ک زوجہ سی (زبیده) که بیر ادیبه عالمه ایدی، مصر فی کندی طرفندن تسویه ایدیلک اوزره (مکه) نک (عین الزبیده) اسمیه الیوم مشهور صوبنی اساله ایتدیردی یونانیلر طرفندن تخریب اولونان (اسکندریه) شهرینی یکیدن یابدیردی. (بوران) خاتم، که ملکه (زبیده) نک کلینی و (مأمون) ک زو - جه سی ایدی ذکا و عرفانیله ممتاز ایدی، (بغداد) ده قادینلرله مخصوص مکتبلر و خته خانلر یابدیرمیشدی.

(سکینه بنت حسین) که حفیده بیغمبری در، بیر خارقه علم و فطانت ایدی، صالوننده زماننک (فرزدق) و (جریر) کیی مشا - هیری اجتماع و ذات عصمت و عرفانندن استفاضه ایدرلردی. (شهادة الکاتبه) که آلتنجی عصر هجریده یاشایورلردی، ادبیات تاریخ، بلاغت اوزره رینه قونفراسلر و یریردی و بیر چوق علمايه اجازت و یرمیشدر.

خلفه منصورک همشیره زاده لرلی خانلر زره کیمینه رک (بیزانس) محاریه لرینه، کیتمشلردر. (رشید) و (مأمون) زمانلرنده خاتم افندی لر علما ايله مباحثات ده بولونورلردی. الخ الخ. معلم محمد ذهنی افندی نک (مشاهیر النساء) سندده تفصیلات و ادعایزنی مؤید امثال و وثائق چوقدر. توفیق فکرت «قیزلری اوقوتمایان ملت اوغللری معنوی اوکسوزلکه محکوم ایتش دیمکدر؛ خسرانه آغلا سین!» دییور؛ شایان حرمت و محبت. شاعر مزنه دوغرو و دوغرو بی نه کوزل سویله یور!

ع . ج

یعنی انسان ایچین مساعیستدن باشقا استنادکاه یوقدر [°] دیر سالکلرینک تبیل؛ عاطل بی ارادة یا شاملرینه ناصل امکان منطقی بولولایبیر؟ بیر دین که

«اطلبوا العلم من المهد الى اللحد،

اطلبوا العلم ولو بالصین،

الحكمة ضالة المؤمن ایما وجدها التقطها.»

یعنی، «بشیکدن مزاره قادار، تحصیل علوم و فون ایت، علوم و فون چنده بیه اولسه تحصیل ایچین چینه قادار کیت، حکمت مؤمنک غائب اولمش مالیدر زرده بولورسه آیر.» دیر سالکلرینک «آدم سن ده! شیمدی یاشم اوتوزی تجاوز ایتدی، تحصیل علم اتمک زمانم کچدی» دییه رک جهل و خسران ایچنده قالمایه نه حققرلی واردر؟ یاخود قصبه مزده مکمل مکتب یوق، مدرسه یوق، ولایت مرکزینه یاخود استانبوله یاخود آوروپایه، آمهریقایه قادار کیم کیده جک دییه، یاخود بیر علم مفیدی، بیر اختراع نافعی فرنک سوزی، فرنک ایجاد دییه رک استخفاف ورد ایتیه ناصل جرأتلری اولایبیر؟ بیر دین که

«من تعلم لسان قوم أمن من مکرهم»

یعنی «بیر قومک لسانی اوکر ن اوقومک مکرندن امین اولور» دیر، سالکلرینک «کیم که اوقور فارسی کیدر دینک یاریسی» هذیاننی دیلنه دولایارق لسان اوکر نمک دن استغنا کوسترمه سی ناصل معقول اولور؟

«طلب العلم فريضة على كل مسلم ومسلمة»

[°] بواآیه منظومه، بوندن اون سکر سنه اول شوصورتله

ایضاح و تفسیر ایدیلشدی:

یولماق ایسترسه ک مذلت ن رها،

بیر حقیقت در، بونا اول آشنا:

کی سه دن امد ده ایته انتظار

درد که سن ايله تدبیر دوا:

«لیس للانسان الا ماسمی»

عالمسکز» بیوران پیغمبر پیغمبر دین اسلام دگیدر؟ حضرت پیغمبر [ص. ع. ک]

الفقر فخری [*]

بیورمش اولماسنه کلنجه، «بهی غافل دقت ایتسه ک آ «الفقری فخری» بیورولیور «الفقر فخراتی» بیورولما یور. فقر او از کی النفوس ایچین مدار فخر اولا بیلیر. چونکه او، کشور معنویات حکمداری در. فقر، اوند بهرمان سخا و کرم در، نتیجه انعام و احساندر. زواللی سن، فقیرلک سنده تابل لکک تشبث شخصی دن، عزم و ارادت دن محرومیتک دلیل حزن انکیزیدر. «دیسسه بوفاجر مؤمن نما نه جواب ویره بیلیر؟

بویولده مثاللرله بیر قاج یوز صحیفه لک بیر کتاب وجوده کتیرمک ممکن در. فقط مقصد اظهار فضل و عرفان دکل ایقاز اهل ایمان در.

حر اندیش لرده تصدیق ایتکده درلر، که بو دورلو احکام منجیه نك مبتلی اولان بیر دین، سالکترینک سبب انحطاط و خسرانی اولا بیلیمک دن اوزا قدر.

بز عالم اسلامک مبتلا اولدینی مرض انحطاطک اسبابی تشخیصی، اندازی سنه لرجه محری و ملاحظه دن صوکره باشلیجه اسباب مرض اولاراق شونلری بولدوق:

- ۱ — استبداد حکمداران اسلام
- ۲ — غفلت و یا مماشات علمای دین
- ۳ — مستوریت نسوانک آلدینی صورت غریبه غیر مشروعه.

۴ — عقیده قدرک فهم غلطی.

عالم اسلامک تکامل فکری سینه ک وخیم ضربه بی حکمداران اسلام دن (سلطان محمود غزنوی) وورمشدر.

[*] بو حدیثک بیلیر، صحتی مشکوکدر. (جامع الصغیر) ده یوقدر (جامع) ک ۶۷ نجی صحیفه سنده الفقر ازن... الخ حدیثله بونی تعقیب ایدن دیکر بیر ایکی حدیث جمله مشکوک الصحه درلر؛ رأی علما بو مرکزده در. «قزک» ک تواضع، عدم انابت دیمک اولدینی ده باشقاچه جای ملاحظه در. ج. ع.

یوزله نجاته نظر استخفاف ایله باقابیلیر؟
بیر دین، که

الفقر سواد الوجه فی الدارین،

کادالفقر أن یكون کفراً

یعنی «فقیرلک دنیاده و آخرتده یوز قارسی در» و «آز قالدی که فقیرلک کفر» [اولسون] دیر، بویله بیر دین اهلنک ثروت و سامانی استحقاق ایدره ک «افندم مسلمان ایچین حطام دنیانک نه اهمیتی واردر. دنیا ذاتاً کافره جنت مؤمنه زنداندر، همده بزم پیغمبر من دکلیدر، که

«الفقر فخری = فقیرلک بنم مدار افتخار مدر»

بیورمشدر. دییه صاحب لالامایه نه حقاری واردر؟ بویله صاحب لاری سوبله یین بیر بیچاره یه: بیر انسان قالقه ده «بهی غافل! دنیاده سنک کیی مؤمن کین و حقیقتده کافر بی دین اولان سرسملره حقیقه جهنمدر، زنداندر!

اعمل لدنیک کأنتک تعیش ابدآ

واعمل لا آخرتک کأنتک موت غدا

یعنی دنیا ک ایچین هیچ اولیه جکسین کیی چالیش، آخرتک ایچین ده یارین اوله جکسین کیی عملده بولون یعنی عدل ابدینک دوچار عتبی اولاجاق افعال فاسده دن احترازیت «دیین بیر دین دین اسلام و «تأیر نخل» یعنی ارکک و دیشی خورما آغاجلرینک غبار طلع لری ن ازدواج ایتدیره ک خورما آغاجلری محسولدار قیلماق امرنده کی عدم اطلاعی باکال تواضع اعتراف و اشجار و نباتانک بو سرینه واقف اولانلری تحسین و تقدیر ایدره ک:

«و اتم اعلم بامور دنیا کم»

«یعنی دوعروسی سز امور دنیاده بندن دها زیاده

[*] کفر لغة اورتمک، ستر اتمک دیمکدر بوغدا داهه لرینی طور اقله اورتدیک ایچین کی بی به کافر و عملنه کفر دینلشدیر. راه حقدن صابانلره کافر دینسی حقیقتی «ستر اتمه لرندن در. اخفای حقیقت و ستر حقیقت نظر اسلامده اوقادار مکروه و مستکروه بیر معصیت عد اولونمشدر، که کفر کله سینه اشنع معاصی بی افاده ایدن بیر قوت و شدت معنی الباس ایدیلشدیر.

ملوك اسلاميه ايچنده (سلطان) لقبني ايلك دفعه استعمال
ايدن بو آدمدر. حضرت (فردوسی طوسی) نك

ايشاه محمود کشور کشای

زمن کرترسی برتس از خدای

مطلعی توقاتلری بین حکمدار ایشته بو کشور کشادر. که
هندستانک (لاهور) نده، (قوج) نده افغانستانده ،
بلوچستانده توسیع حدود اسلام و نشر دین اسلام ایتمش
اولدینی حالده (غزته ده) روح اسلامی عادتاً بوازلامشدی:
بونک زمانه کلیجه یه قدار باب اجتهاد، آلا بیلدیکنه آچقندی
(محمود غزنوی) اکساب ایتدیکی «سلطان» صقته ،
کیف مایشاء ، موصوف اولا بیلیمک ایچین کتب فلسفه یی
احراق و بونارک بیع و شراسنی مستلزم جزای اعدام اعلان
ایتدی. جهان اسلامک مهم بیر قسمی اوزدینه اوزمان اجرای
حکم و سلطنت ایدن محمود غزنوی بو صورتله مسلمانلرک
مفکره لرینی بیر عطالت مهلکه یه محکوم ایتمش دیمکدی .

اوزمان اصول طباعت اختراع ایدیه مش اولدیغندن
بو یولده بیر ممنوعیت عبدالحمید افندینک «کتب مضره» ممنوعیتی
کیبی بی ثمره قالمایوردی .

علمای دین ورثه انبیا صقته ممتاز قیلنمشلر ایکن
بیر چوقلری ، صاحب شهنامه نك:

«زبان کسان از پی سود خویش

بجویند دین اندر آرتد پیش

یعنی «منفعتلری باشقالرینک زیاننده آرادلر و دینی
اوکه سوررلر» تعریضه بحق لایق اولدیلر .

ایشلر بیر راده یه کلدی، که سرسری، قورناز حریفک
بیری، کریمه پیغمبری فاطمه الزهرا حضرتلرینک نساندن
اولدیغنی مسلمانلره یوتدورارق (فاطمیون) نامی ایله
(مغرب) ده، (مصر) ده، (شام) ده، (حجاز) ده اولادواحفادیه
تمام اوج عصردن اوتوز سنه اکیسک بیر مدت، مسلمانلر
اوزدینه امیرالمؤمنین عنوانی ایله اجرای خلافت ایتدی !

ایشته بو یولده امنیت و اعتقادلری سؤ استعمال ایدیش
غافل مسلمانلره خطاباً در، که، ابوالعلاء المعری :

افقوا افقوا یاغواة فانما

دیا نائکم مکرم من القدماء

ارادوا بها جمع الخطام و ادرکوا

وماتوا و دامت سنة اللئماء .

دیهه باغیرمشدر . جاهل بیر خلقه تحکم و تهکم، علم
و منور بیر خلقه حکمدارلق ایتکدن داها قولای ایدی
اونک ایچین جبارره مسلمانلرک قوه مفکره لرینی تعطیل
ایتمه یی التزام ایتدیلر

چوق تأسف، پک چوق تأسف اولونورکه بیر چوق
علمای دین کچین طفیلات دین دخی جبار حکمدارلرک
صاغ آلری اولدیلر [*] اسلامیتک صافیت و سادگی ابتداء
یسنی اخلاص و دینه ییرسورو خرافات ادخال ایدهرک زواللی
اسلامیتی طاینماز بیر حاله صوقدیلر :

شبهه سز ملاحظات الیمه وادیسنده در، که صاحب دینه
توجیه تظلم ایدهرک نظامی:

دین ترادری آرایش اند

دری آرایش و پیر ایش اند

بسکه فزودند برو برک و ساز

کرتوبه بینی شناسیش باز .

بیترلنده بودرد اسلامی آغلامشدی !

« ولا تباغضوا ، ولا تحاسدوا ، ولا تدابروا

وكونوا عبادالله اخواناً .

یعنی یکدیگر بکزه بغض ایتمه یکنز، یکدیگر بکزه حسدا یتمه یکنز،
یکدیگر بکزدن یوز چویرمه یکنز ، ای اللهک قوللری هپ
قارداش اولکنز »

دین بیر دین ، عالمده جهان شمول بیر قانون مرحمت
و اخوت و املاق لازم کلیرکن ، بعض غرضکار جهلای
دینک اثر خودکامیسی اولاراق، لایعدفریق ضاله ایجاد ایدلدی ،

[*] مخرب بغداد (هلاکوخان) کوزیری کسین خواجه (نصیر
طوسی)، فاضل دربندی، الخ کیبی .

مقدر اولان ، فعل ویا وقعه دکلدر ، مقدر ، بیر فعل ویا وقعه نك مكن و موقعی اولان مواد و اشیانك كندیسندن ایریلیان خواصیدر . مثلاً آتسه ، هر قابل احتراق اولان موادی ، شرائط احتراقك مجتمعا موجود بولوندینی هر زمان و مكانده یا قاق خاصه سی مقدردر . زهره تسمی ایتك خاصه سی مقدردر ، زهر ایچهر ك ، بدننه سم ادخال ایدهر ك مضاد سم استعمال ایتمه نك مسموماً اوله سی مقدر اولور و

« اذا جاء اجلهم لا يستقدمون . . . »

آیه کریمه سنك حكمت بالغه و بلیغه سی اوزمان متجلی بولونور . شرائط اساسیه حیاتك انقطاعی اجل دیمك در . اجلدن مراد صمدانی و مقدریت اجل بودر . علماً و منطقاً باشقادورلواولاماز . تعبیردیكرله مقدرات ، فطرتك « نوامیس طبیعه » دینیلن قوانین تغیر ناپذیرندن . و لسان فرقانده « سنت الله » و لسان كلامده « عادة الله » دینیلن لایتغیر قواعد سرمدیه طبیعتدن عبارتدر .

ولن تجمد لست الله تبدیلاً

آیه جلیله سی بوتون بیر فلسفه معظمه طبیعتی ، اشیا و خواصك « دیمومت » ی قانون ازلی و ابدیسی نه قدار بلند و منور بیر بلاغته اجمال ایتشدر !

بزجه اشیانك خواص مقدره سی معلوم و یا قابل تعلم و فطرات ازلیه نك بزدرده متجلی قیلدینی نوراذعان ایله تأمین ایدیش اولدیغندن یاغینه قارشى تدبیر اتخاذا ایتزسه ك خانه من یانارسه بیر خیر دكل شرواقع اولمش اولور ، كذا لك قرآنك :

« ولا تلهوا بایدیکم الى التهلكه »

یعنی تهلكدن صاقینكز تنبیه قولا ق آصما یارق . كندیمزى برتهلكیه آثار و هلاك اولورسه ق خیر دكل شر واقع اولمش اولور . بوشرلری الله اسناد ایتیمى هیچ بر عقل و منطق قبول ایتمز :

مقدر اولان « چراغان » سراینك یا ناماسی دکلدى ، مقدر اولان : تدبیرسز احتیاطسز ، بصیرتسز ملتلك نه ولرینك یا ناماسی ، اوجاقلرینك سونمه سیدر ؛ صوسز ، کونش آمازیر

اهل اسلام اهمیتسز تفصیلات ایچین مملکتلرینى انسان قاننه و غدیله [۱]

نوت ، بغدادده حکمران اولان (عباسیور) زماننده خالقیت و مخلوقیت قرآن مسئله سی ایچین بیکلرجه جانلر تلف اولدی . مفکره بشری منفرد بیر قالبدن چیقارماق ایسته دیلر حضرت حق :

و اعبد ربك حتى یاتیک الیقین

یعنی سانا قناعت ، و علم یقین كنزهر بكه عبادت ایت [۲] دیمش اولدینی حالده بیر طاقم سوزده علما ایله جبارهر فكر و نظرلرینى جبراً قبول و تصدیق ایتدیرمك سوداسنده اصرار ایتدیله . ایتسه اولرك باقیات خیره فکریه لرندن و عالم اسلامك اسباب اضمحلالندن بیرى ده (قدر) ه ویردکلى یا کلىش معنادر .

قدر حقه کی مطالعاتمزی (فراق) عنوانی بیر کتابة یازدیغمز اوزون بیر دیباجده دور و دراز سرد ایتشدك بناء علیه بو راده اجمال ایله اکتفا ایدمكز : « خیر و شر الله دن در . یعنی کافه حادثات و افعال قبل الحدوث الله طرفدن تقدیر و تعیین اولونمشدر . علمانك « وبالقدر خیره و شره من الله تعالى » یه ویردکلى معنا بودر .

[۱] بو شطرلری یازار كن (بخارا) در ۱۷ محرم ۱۲۲۷ تاریخلى آلدیغز بیر مکتوب ماتم محرمد شیمی «لرایله «سنی» لر آرمسند و قوعه كلان مصادمه حشیانه ده یدی بیکدن « زیاده مـ لمانك تلف اولدیغنى خبر ویریور .

(اقدام) غزنه سنك ۱۰ شباط ۱۹۱۰ تاریخلى نسخه سنده کی (بخارا مکتوبی) قلبنده ذره قدر غیرت اسلامیه سی اولانلری حیاسندن یرلره کچیره ك احوال حکایه ایتکده در .

[۲] بو آیت کریمه نك معناسی باشقا باشقا آکلایار واردر اجتهاد مزجه معنای صحیح و بلندی بودر :

« واصل الى الله اولونجه یه قدار الله عبادت ایت » معناسنده باشقا بیر نشئه واردر « یقین » کله سنه موت معناسی و برهرك اولونجه قدار ربكه عبادت ایت » یولنده ترجمه و تفسیر ایدلر و « ربكه عبادت ایت تا که سانا » یقین کله « طرزنده آکلایار واردر . لکلی مجتهد نصیب .

ع . ج .

یره اکیلن تخمک نشو و نما بولماسی تقدیر اولونماشدرد .
مقدراولان، شرائط لازمئزرعیه نی حائر و جامع بیرطوپراغه
آسیلان تخمک فیضدار اولماسی در . بزغافل مسلمانلر بیر
مملکت غائب ایدهرز تسلیسی چار چابوق بولورز . «قدر
بویله ایمش ! قسمت بویله ایمش !» دیرز بوتسلی مسکینانه
اولدبنی قادارده کفر انکیزدر . زیرا قرآن

ان الارض یرثها عبادی الصالحون

یعنی «ارض صالحیتی واستعدادلی اولان قوللرمک
لک موروشیدر» بیورور . بزدها دون (بوسنه هرسک) ی
غائب ایتک بو ضیاع مقدر دکلدی مقدر اولان: قوتسز،
غیرتسز، اتحادسز، عرفانسز ملت لک مملکتلرینی غائب
ایتمهلری و بومملکتلرک فتوحاته و اساس ملک اولان استنادعدله
ایدهرک تأمین مفتوحات و عمرانه «صالحون» اولان عباداللهک
المرینه کچمه سی در . [*] اکر «قدر» بمض لرینک ویردیکلری
معنایی متضمن اولسهیدی جنت وجهن بیرمؤسسۀ نابمحل
اولمازی ایدی ؟ اکر بنم صلاح و تقوی اوزره یاشامام
مقدر ایسه «المقدر لایغیر» اولدیقندن بنم صلاح و تقوی
خارجنه چیقمام محال اولور . حال صلاح و تقوام شایان
مکافات اولماز، چونکه بن چخارجنه یقلماسی غیر ممکن اولان
بیر دائره ایچنده بولوندم ، بهشته حقم اولماز . بالعکس اکر
بن معصیت کار ایسه م معصیتکارلق بنم تقدیرم درمتقی اولامام
تقدیر ازلی بی بوزامام . بو حالده بنم عقباده اهل دوزخ ایچنه
قاتیلمام موافق عدل الهی اولماز .

کورولیور، که «قدر» ه شیمدی یه قادار بعض غافلر
طرفدن ویریلن معنایی ویرمک امور دنویه و مدنیه من
اوزهرینه تأثیرمضر اجرا ایتدیکن باشقا «عدالت مطلقه یه»
قارشی ده بیراعتساف و عصیان تشکیل ایدر .

فیلسوف زمانمز :

«قبه دنیا دیورسکنز اصل قبه سزسکنز .

او پک نازی بیرکلین در مرد اولانک حقیدر»

دیور، که بنجه الهام الهی در .

ع . ج .

قارداشلرم مسلمانلق یالکزصوم و صلات ایله ، اسماء
اسلامیه ایله تسمیه اولونماقله اولوب بیتمز . بونلر «اسلامیت» لک
آیین و اشکال ظاهر یسیدر؛ بونلری، هیچ مسلمان اولمایان
کیمسه یانابیلیر ؛ مسلمانلق - بونلری اجرا ایله برابر -
انسانلق دیمکدر؛ مسلمان اولماق؛ رحیم اولماق - عندالاقضا -
شدید اولابیلیمکدر .

« اشداء علی الکفار رحماء بینهم »

آیتده بو خصیصۀ اسلامیه یه اشارت و حتی قطعی دلالت
و بینه واردر . : مظلوم و معصوم اولانلر حقتده رحم ..
متعرض غاصب اولانلره قارشی شدیدالمعامله اولماقدر؛ که
اسلامیت در .

مسلمانلق : عالم ، فاضل ، ذی ثروت ، ذی شوکت ،
ذی همت اولماق ویا اولمایه حصر حیات ایتکدر .

بزجاهلز ، فقیرز ، قوتسز ، همتسز ، غافلز ، دعوائ
اسلامیتده ایسه اصحاب کرامی کچورز ، بزی ایقاظ ایچین
کمال صمیمتله زه نصیحت ویرنلری تکفیر ایدیورز .
دوشونمه یورز، که «الدين النصيحة» بیوران یزم مؤسس
دینزدر .

پک چوق ضایع ایتدک فقط جسارت و امیدمنزی
اسلا غائب ایتیم : بزده قالان هنوز چوقدر . صلات کیبی
ه ، مسلم و مسلمیه فرض اولان تحصیل علم وضعته مسارعت
آیدم ، دیگر اهل کتساب دن نه دن کیری قالیورز : جمله
عباداللهک الهی اولان الله

« ادعونی استجب لکم »

انکلتزده غزته جیلکاک صورت تکاملی

آوروپانک حتی بوتون کره ارضک جولانکاه افکاری اولان انکلیز مطبوعاتی بوکونکی درجه تکاملنه پک قولای قولای واصل اوله مامشدر. هر یردن زیاده انکلتزده غزته جیلک برچوق مشکلات حتی موانع شدیدیه اوغرامش ایکنینه ده شوخارق العاده اولان حریت مطبوعاته نائل اولمشدر. مع مافیه انکلیز طبایعک ایجاباتندن اوله رق هر شی کبی مطبوعاتده ترقی غایت بطی فقط غایت مکمل اولمشدر. انکلیز غزته - جیلکک کچرمش اولدینی ادوار تکاملک ابتداسی خلی اسکیدر.

ایلک غزته (ذی قارینت) یاخود (ویکلی نیوز فرام فارن پارتی) نامنده کی غزته درکه ۱۶۲۱ تاریخی حاویدر. بو غزته فاصله لرله یکرمی سنه قدر سورمشدر. ۱۶۴۳ ده اوزمان پارلامنتونک ویردیکی قرارده هیچ کیمسه حکومتندن مساعده آلمادان مطبوع اوله رق بر کتاب یاخود حوادث نشر ایدمه جکدی. ایکنجی شارل زماننده یالکتر مساعده لی ایکی غزته چیمقمده ایدی: (حوادث مبعوثان) (و مرکو ریوس پولیکوس) که بونلرکده ناملری آره صره دیکشمکده ایدی. حالبوکه هر نصلسه بشقه غزته لرده آرا صره بو قرارخلافه اوله رق میدان انتشار بولماقده ایدیلر. حکومتک بو قرارینی عدم اصغا تهمتیه تووین اسمنده بر مطبعه جی ۱۶۶۳ ده دار آغاچنه چکلمش ایدی. ۱۶۶۲ ده (لوندون غازت) رسمی اوله رق میدان انتشاره چقدی واوزمانندن - بری ده آلآن نشر اولونماقده در. بو غزته بزم تقویم وقایع کیدر. ایکنجی جیمسک خلعدن صوکره غزته لر سربعا تکثر ایتشدر. ۱۷۰۴ ده (ده فورس وویو) چیمقمشدر. برسنه کچمده دن هفتده اوچ دفعه طبع اولونمش و طو تدینی مسلك واسلوب ایله اسلافه تقدم ایتشدر. بو تاریخندن ایکی سنه اول یومی اولماق اوزره (دهیلی قارینت) نامیه بر غزته

یعنی «ایسته یگز ویریرم»: سعی ایدن ثمره سسینی انتطاف ایدر دیسور، ایسته یه نه مطلوبی ویرمه نی وعد ایدیور. و

ان الله لا یخلف المیعاد

یعنی «الله وعدنده خلف ایتمز» دیه رک قولنی تیأدده ایدیور.

جهالت، فساد اخلاق، ضعف و نفاق؛ فقر و مسکنت تصب جاهلانه ایله بیر جمعیته ییرملته بقاسنده کی امکانسزلی تاریخ، مدھش خرابیت لوحه لرنده کوسترمشدر حاکمیت سقیقه فضیلت و عرفانه مالکیتده در. فضیلت و عرفان کافه اسباب شوکت و ثروتی احضار و تأمین ایدر، کوزلری می آچلم! بزده مسلمانلغک انجاق ظواهر بی اعتباری قالمشدر. افعال فاضله و ادراک منورله مظهر نور حق اولالم و اولدیغمیزی آثار ایله کوسسته رمل، ادعای فضیلت دکل اجرای فضیلت دلم:

عرفانمزله چکدک راه نجاته مشعل
و جدانمزدن آلدق فرمان کردکاری.

دییه بیلرک کعبه نجات اولان بیر مدینت و حاکمیت سله یه صاحب اولالم. حاکمیت سله نه ک ایلک قدمه سی نفس اوزره رینه حاکم اولماقده. ایکنجی قدمه آثار و معاملات فاضلانه و خیرکار ایله جلب قلوب ایدرک قلوب اوزره رینه حاکم اولماقده. بو ایکی حاکمیت تأمین ایلدیکن صوکره بر ملت ایچین حاکمیت تأمین ایدیلش هم ده اورتده هیچ بیر محکوم بولونماق سزین حاکمیت تأمین ایدیلش دیمکدر. نجات و بقا منر انجاق بو صورته ممکن اولور؛ یوقسه متمدن، مرقی، صنایعکار؛ شدید العزم صاحب فضیلت و عرفان اولان دیگر عباد الله بیر مدت اوشاقق ایتدیکن صوکره منقرض و نابود اولماق بزم ایچین مقدر اولاجاقدر والسلام علی من اتبع الهدی.

عبدالله جودت